

















曾文定公全集卷之一

南豐後學彭期毅齋編訂男立校字

袁求齊亮章育

熙寧轉對疏

准御史臺告報臣寮朝辭日具轉對臣愚淺薄恐言  
不足采然臣竊觀唐太宗卽位之初延羣臣與圖天  
下之事而能絀封倫用魏鄭公之說所以成貞觀之  
治周世宗初卽位亦延羣臣使陳當世之務而能知



王朴之可用故顯德之政亦獨能變五代之因循夫

茅○日○持○議○入○骨○理○

當衆說之馳騁而以獨見之言陳未形之得失此聽者之所難也然二君能辨之於羣衆之中而用之以收一時之效此後世之士所以常感知言之少而頌二君之明也今陛下始承天序亦詔羣臣使以次對然且將歲餘未聞取一人得一言豈當世固乏人不足以當陛下之意與抑所以延問者特用累世之故事而不必求其實歟臣愚竊計殆進言者未有以當陛下之意也陛下明智大略固將比迹于唐虞三代

聞悟有法



之盛。如太宗世宗之所至。恐不足以望陛下。故臣之所言。亦不敢效二臣之卑近。伏惟陛下超然獨觀於世俗之表。詳思臣言而擇其中。則二君之明。豈足道於後世。而士之懷抱忠義者。豈復感知言之少乎。臣所言如左。臣伏以陛下恭儉慈仁。有能承祖宗之德。聰明睿知。有能任天下之材。卽位以來。早朝晏罷。廣問兼聽。有更制變俗比迹唐虞之志。此非羣臣之所能及也。然而所遇之時在天。則有日食星變之異。在地。則有震動陷裂水泉湧溢之災。在人。則有饑饉流

指刺當持甚切



正本而歸  
于心學是  
帝王授受  
微言

亡訛言相驚之患三者皆非常之變也及從而察今  
之天下則風俗日以薄惡紀綱日以弛壞百司庶務  
一切文具而已內外之任則不足於人材公私之計  
則不足於食貨近則不能不以盜賊爲慮遠則不能  
不以夷狄爲憂海內智謀之士常恐天下之勢不得  
以久安也以陛下之明而所遇之時如此陛下有更  
制變俗比迹唐虞之志則亦在正其本而已矣易曰  
正其本萬事理臣以謂正其本者在陛下得之于心  
而已臣觀洪範所以和同天人之際使之無閒而要

○名○儒○之○見○





其所以爲始者思也。大學所以誠意正心脩身治其  
國家天下而要其所以爲始者致其知也。故臣以謂  
正其本者在得之于心而已。得之于心者其術非他  
學焉而已矣。此致其知所以爲大學之道也。古之聖  
人舜禹成湯文武未有不由學而成。而傳說周公之  
輔其君未嘗不勉之以學。故孟子以謂學焉而後有  
爲。則湯以王齊桓公以霸皆不勞而能也。蓋學所以  
成人主之功德如此。誠能磨礱長養至於有以自得  
則天下之事在于理者未有不能盡也。能盡天下之



天德王道  
治統道統  
看得源流  
略一

會文公集 卷之一  
理則天下之以事物接於我者無以累其內天下之  
以言語接于我者無以蔽其外夫然則循理而已矣  
邪情之所不能入也從善而已矣邪說之所不能亂  
也如是而用之以持久資之以不息則積其小者必  
至於大積其微者必至於顯古之人自可欲之善而  
充之至于不可知之神自十五之學而積之至於從  
心之不踰矩豈他道哉由是而已矣故曰念終始典  
于學又曰學然後知不足孔子亦曰吾學不厭蓋如  
此者孔子之所不能已也夫能使事物之接于我者



直從周衰  
君臣說來  
已目空漢  
唐矣

不能累其內。所以治內也。言語之接于我者。不能蔽其外。所以應外也。有以治內。此所以成德化也。有以應外。此所以成法度也。德化法度既成。所以發育萬物。而和同天人之際也。自周衰以來。道術不明。爲人君者。莫知學先王之道。以明其心。爲人臣者。莫知引其君。以及先王之道也。一切苟簡。溺於流俗。末世之卑淺。以先王之道爲迂遠而難遵。人主雖有聰明敏達之質。而無磨礱長養之具。至于不能有以自得。則天下之事。在于理者。有所不能盡也。不能盡天下之



人君學與  
不學關乎  
治亂如此

理則天下之以事物接于我者足以累其內。天下之  
以言語接于我者足以蔽其外。夫然故欲循理而邪  
情足以害之。欲從善而邪說足以亂之。如是而用之  
以持久則愈甚。無補行之以不息則不能見效。其弊  
則至於邪情勝而正理滅。邪說長而正論消。天下之  
所以不治而有至於亂者以是而已矣。此周衰以來  
人主之所以可傳於後世者少也。可傳於後世者若  
漢之文帝宣帝。唐之太宗皆可謂有美質矣。由其學  
不能遠而所知者陋。故足以賢于近世之庸主矣。若



夫議唐虞三代之盛德則彼烏足以云乎由其如此  
故自周衰以來千有餘年天下之言理者亦皆卑近  
淺陋以趨世主之所便而言先王之道者皆絀而不  
省故以孔子之聖孟子之賢而猶不遇也今去孔孟  
之時又遠矣臣之所言乃周衰以來千有餘年所謂  
迂遠而難遵者也然臣敢獻之于陛下者臣觀先王  
之所已試其言最近而非遠其用最要而非迂故不  
敢不以告者此臣所以事陛下區區之志也伏惟陛  
下有自然之聖質而漸漬于道義之日又不爲不久



學出洪範

大學本領

不同

然臣以謂陛下有更制變俗比迹唐虞之志則在得之于心得之于心則在學焉而已者臣愚以謂陛下宜觀洪範大學之所陳知治道之所本不在於他觀傳說周公之所戒知學者非明主之所宜已也陛下有更制變俗比迹唐虞之志則當懇誠惻怛以講明舊學而推廣之務當於道德之體要不取乎口耳之小知不急乎朝夕之近效復之熟之使聖心之所存從容於自得之地則萬事之在于理者未有不能盡也能盡萬事之理則內不累於天下之物外不蔽於



贈合江都  
旨意

湯敦實曰  
責重君德

天下之言然後明先王之道而行之邪情之所不能  
入也合天下之正論而用之邪說之所不能亂也如  
是而用之以持久資之以不息則雖細必鉅雖微必  
顯以陛下之聰明而充之以至於不可知之神以陛  
下之睿知而積之以至於從心所欲之不踰矩夫豈  
遠哉顧勉強如何耳夫然故內成德化外成法度以  
發育萬物而和同天人之際甚易也若夫移風俗之  
薄惡振紀綱之弛壞變百司庶務之文具厲天下之  
士使稱其位理天下之財使贍其用近者使之親附

翻○山○首○難○歎○事○一○一○結○案



不言天下  
細務得大  
臣入告之  
體至論學  
在自得于  
心以正本  
為務以勉  
彊為功以  
洪範大學  
為準回翔  
反復從容  
以盡其肯  
與正誼不  
謀利明道  
不計功之  
言正堪伯  
仲他家所  
不及也

遠者使之服從海內之勢使之常安則惟陛下之所  
欲何求而不得何為而不成乎未有若是而福應不  
臻而變異不消者也如聖心之所存未及於此內未  
能無秋毫之累外未能無纖芥之蔽則臣恐欲法先  
王之政而智慮有所未審欲用天下之智謀材譖之  
士而議論有所未一于國家天下愈甚無補而風俗  
綱紀愈以衰壞也非獨如此自古所以安危治亂之  
幾未嘗不出於此臣幸蒙降問言天下之細務而無  
益於得失之數者非臣所以事陛下區區之志也輒

○劉○日○忠○謹○之○言○稟○稟○可○



不自知其固陋而敢言國家之大體惟陛下審察而擇其宜天下幸甚

王遵岩曰董仲舒劉向楊雄之文不過如此茅鹿門曰勸學二字公之所見正而志亦大劉二至曰思與致知爲有本之學平居持論與敷奏王庭皆不越此非置身三代以上不能有此等闕深議論此等醇厚文字

原本足采上脫不字震動上脫有字不能已上脫所字以趨趨字譌作超後不踰矩上原本茅本並多所欲字正宗文編文粹俱無且前不踰矩上既無此二字疑美餘從各本正之







自福州召判太常寺上殿劄子

改明州  
不果上

伏以陛下聰明睿知天性自然可謂有不世出之姿  
自在藩邸入承顏色出奉朝請怡怡翼翼不自暇豫  
至恭極孝聞於天下及踐大位內事兩宮外嚴七廟  
仁被公族德刑閨門嬪御備官不淫於色音樂備數  
不溺於聲食菲衣綈務遵節儉臺卑園小無所增飾  
近習無便嬖左右無私謁未嘗出遊幸未嘗從畋漁  
其於憂憫元元勤勞庶政則念慮先于兆朕祇慎盡  
於纖芥晝而訪問至于日昃夕而省覽至于夜分每



羣臣進見接之禮篤而情通凡四方奏事莫不朝入而暮報雖大禹之勤于邦文王之不暇食無以加此其淵謀遠略必中事幾善訓嘉謨可爲世則者傳聞下土雖僅得其一二已足以度越衆慮非可闕測可謂有君人之大德其高深宏遠則憫自晚周秦漢以來世主不能獨出于衆人之表其政治所出大抵踵襲卑陋因於世俗而已于是慨然以上追唐虞三代荒絕之迹脩列先王法度之政爲其任在己可謂有出于數千載之大志變革因循號令必信使海內觀



聽莫不震動羣下遵職惟恐在後可謂有能行之效。蓋刻意尚行不差毫髮縉紳之士有所不能及憂勞惕厲無懈須臾又非羣臣之所能望可謂特起于三代之後非常之主也。愚臣孤陋熙寧二年出通判越州因轉對幸得論事敢據經之說以誠意正心脩身

印熙寧轉對疏

治國家天下之道必本于學爲獻逮今十有一年始得望穆穆之清光敢別白前說而終之臣以謂陛下有不世出之姿有君人之大德與出于數千載之大志又有能行之效特起于三代之後然願以治國家



天下之道必本于學爲獻于陛下何也蓋古之聖人  
雖出于其類拔乎其萃然至其成德莫不由學故堯  
舜性之也而見于傳記則皆有師其史官識其行事  
則皆曰若稽古至于湯武身之也則湯學于伊尹武  
王學于太公見于詩禮孟子在商高宗得傳說作相  
其命說之辭曰予小子舊學于甘盤而傳說告之則  
曰學于古訓乃有獲又曰惟學遜志務時敏厥脩乃  
來又曰惟黜學半念終始典于學蓋高宗旣已學于  
甘盤矣及傳說相之乃更丁寧反復勉之以學其要



歸○則○以○謂○當○終○始○常○念○于○學○明○學○蓋○不○可○一○日○而○廢○  
也○至○于○孔○子○之○自○叙○則○自○十○有○五○而○志○于○學○至○於○七○  
十○而○從○心○所○欲○不○踰○矩○夫○以○孔○子○之○聖○必○志○于○學○其○  
學○之○漸○每○十○年○而○一○進○至○於○七○十○矣○其○從○心○也○蓋○不○  
踰○矩○則○傳○說○所○稱○當○終○始○常○念○于○學○者○雖○孔○子○之○聖○  
不○能○易○也○故○楊○子○曰○學○之○爲○王○者○事○其○已○久○矣○堯○舜○  
禹○湯○文○武○汲○汲○仲○尼○皇○皇○其○已○久○矣○聖○賢○之○篤○于○學○  
至○於○如○此○者○蓋○樂○而○不○亂○復○而○不○厭○者○道○也○測○之○而○  
益○深○窮○之○而○益○遠○者○聖○人○之○言○也○知○不○足○與○困○者○學○



也。方其始也。求之貴博。畜之貴多。及其得之。則於言也。在知其要。於德也。在知其與。能至於是矣。則求之博。畜之多者。乃筌蹄而已。所謂多聞。則守之以約。多見。則守之以卓也。如求之不博。畜之不多。則未有於言也。能知其要。未有於德也。能知其與。所謂寡聞。則無約。寡見。則無卓也。子貢稱孔子之學。識其遠者大者。則於言也。能知其要。於德也。能知其與。然後能當于孔子之所謂學也。審能是。則存于心者。有以爲主于內。天下之事。雖其變無窮。而吾所以待之者。其應



無方。古之大有爲于天下者，未有不出于是也。堯舜湯武，所以爲盛德之至。孔子所以從心而不踰矩，或得其行者，未得其所以行；得其言者，未得其所以言。孟子之所謂聖而不可知之謂神，在是而已矣。陛下萬幾之餘，日引天下之士，推原道德而講明其意，陳六藝載籍之文，而紬繹其說，博考深思，無有懈怠，其折衷是非，獨見之明，老師宿儒所不能到此。臣之所聞也。有不世出之姿，與君人之大德，又有出于數千載之大志，特起于三代之後，此臣之所知也。則陛下



之學已可謂至矣。然臣區區敢誦經之陳言以進于  
左右者。誠將順陛下之聖志。采傳說始終典學之言。  
觀孔子少長進學之漸。以陛下之明智。知言之要。知  
德之奧。皆陛下之所素畜。誠以陛下之樂道而繼之。  
以不倦。以陛下之稽古而加之以不已。使天性之睿  
智所造者益深。所積者益厚。日日新。又日新。其于自  
得之者。非徒足以待萬事無窮之變。而應之以無方。  
天下之人。必將得陛下之行者。不得其所以行。得陛  
下之言者。不得其所以言。堯舜湯武所以爲盛德之



至○孔○子○所○以○從○心○而○不○踰○矩○孟○子○所○謂○聖○而○不○可○知○  
之○謂○神○不○在○于○陛○下○而○孰○在○哉○繇○是○歛○五○福○之○慶○以○  
大○賚○庶○民○享○萬○年○之○休○以○永○綏○方○夏○德○厚○于○天○地○名○  
昭○于○日○月○惟○聖○意○之○所○在○而○已○臣○愚○不○敏○蒙○恩○賜○對○  
不○敢○毛○舉○藁○細○之○常○務○而○於○國○家○之○體○冒○言○其○遠○且○  
大○者○此○臣○所○以○愛○君○區○區○之○分○也○伏○惟○留○神○省○察○  
劉二至曰轉對疏原原本本已無餘蘊此又從學  
字見聖神皆由學而至原非難事孟子而後一人  
而已

愚按遯堯舜湯武之學有性之身之之不同而伊  
傳甘盤太公之輔其君無不勉之以學其中精義



微言皆孔孟傳心要旨



茅曰直從  
此叙起

移滄州過關上殿劄子

原曰起得○莊雅

臣聞基厚者勢崇力大者任重故功德之殊垂光錫  
祚曷奕繁衍久而彌昌者蓋天人之理必至之符然  
生民以來能濟登茲者未有如大宋之隆也夫禹之  
績大矣而其孫太康乃墜厥緒湯之烈盛矣而其孫  
太甲既立不明周自后稷十有五世至于文王而大  
統未集武王成王始收太平之功而康王之子昭王  
難于南狩昭王之子穆王殆于荒服暨于幽厲陵夷  
盡矣及秦以累世之智并天下然二世而亡漢定其



雀語簡古

以上千百

年廢興之

故並如昼

而文特簡

練

一句結有

神力

許多規模  
設施兩句

道盡

亂而諸呂七國之禍相尋以起建武中興然冲質以  
後世故多矣魏之患天下爲三晉宋之患天下爲南  
北隋文始一海內然傳子而失唐之治在于貞觀開  
元之際而女禍世出天寶以還綱紀微矣至于五代  
蓋五十有六年而更八姓十有四君其廢興之故甚  
矣宋興太祖皇帝爲民去大殘致更生兵不再試而  
粵蜀吳楚五國之君生致闕下九州來同復禹之跡  
內輯師旅而齊以節制外卑藩服而約以繩墨所以  
安百姓禦四夷綱理萬事之具雖創始經營而彌綸



直從此說  
起以見真  
宗之功夫

已○悉○莫○貴○于○為○天○子○轉莫○富○于○有○天○下○而○舍○子○傳○弟○為○  
萬○世○策○造○邦○受○命○之○勤○為○帝○太○祖○功○未○有○高○焉○者○也○廬曰祖有功  
太○宗○皇○帝○適○求○厥○寧○既○定○晉○疆○錢○俶○自○歸○作○則○垂○憲○宗有德  
克○紹○克○類○保○世○靖○民○丕○丕○之○烈○為○帝○太○宗○德○未○有○高○  
焉○者○也○真○宗○皇○帝○繼○統○遵○業○以○涵○煦○生○養○蕃○息○齊○民○  
以○并○容○徧○覆○擾○服○異○類○蓋○自○天○寶○之○末○宇○內○板○蕩○及○  
真○人○出○天○下○平○而○西○北○之○虜○猶○閒○入○窺○邊○至○于○景○德○  
二○百○五○十○餘○年○契○丹○始○講○和○好○德○明○亦○受○約○束○而○天○  
下○銷○鋒○灌○燧○無○鷄○鳴○犬○吠○之○警○以○迄○於○今○故○於○是○時○



雀語簡古

以上千百

年廢興之

故並如昼

而文特靡

練

一句結有

神力

許多規模  
設施兩句

道盡

亂而諸呂七國之禍相尋以起建武中興然冲質以  
後世故多矣魏之患天下爲三晉宋之患天下爲南  
北隋文始一海內然傳子而失唐之治在于貞觀開  
元之際而女禍世出天寶以還綱紀微矣至于五代  
蓋五十有六年而更八姓十有四君其廢興之故甚  
矣宋興太祖皇帝爲民去大殘致更生兵不再試而  
粵蜀吳楚五國之君生致闕下九州來同復禹之跡  
內輯師旅而齊以節制外卑藩服而約以繩墨所以  
安百姓禦四夷綱理萬事之具雖創始經營而彌綸



直從此說  
起以見真  
宗之功大

已○悉○莫○貴○于○為○天○子○韓莫○富○于○有○天○下○而○舍○子○傳○弟○為○  
萬○世○策○造○邦○受○命○之○勤○為○帝○太○祖○功○未○有○高○焉○者○也○盧曰祖有功  
太○宗○皇○帝○適○求○厥○寧○既○定○晉○疆○錢○俶○自○歸○作○則○垂○憲○宗有德  
克○紹○克○類○保○世○靖○民○丕○丕○之○烈○為○帝○太○宗○德○未○有○高○  
焉○者○也○真○宗○皇○帝○繼○統○遵○業○以○涵○煦○生○養○蕃○息○齊○民○  
以○并○容○徧○覆○擾○服○異○類○蓋○自○天○寶○之○末○宇○內○板○蕩○及○  
真○人○出○天○下○平○而○西○北○之○虜○猶○閒○入○窺○邊○至○于○景○德○  
二○百○五○十○餘○年○契○丹○始○講○和○好○德○明○亦○受○約○束○而○天○  
下○銷○鋒○灌○燧○無○鷄○鳴○犬○吠○之○警○以○迄○於○今○故○於○是○時○



遂封泰山。禪社首。薦告功德。以明示萬世不祧之廟。所以爲帝真宗。仁宗皇帝寬仁慈恕。虛心納諫。慎注措。謹規矩。早朝晏退。無一日之懈。在位日久。明於羣臣之賢不肖。忠邪。選用政事之臣。委任責成。然公聽竝觀。以周知其情僞。其用舍之際。一稽於衆。故任事者亦皆警懼。否輒罷免。世以謂得馭臣之體。春秋未高。援立有德。傳付惟允。故傳天下之日。不陳一兵。不想○見其盛宿一士。以戒非常。而上下晏然。殆古所未有其豈第之行。足以附衆者。非家施而人悅之也。積之以誠心。



民皆有父之尊。有母之親。故棄羣臣之日。天下聞之。皆路祭巷哭。人人感動。歔歔其得人之深。未有知其所以然者。故皇祖之廟。爲宋仁宗英宗皇帝聰明睿智。言動以禮。上帝眷相。大命所集。而稱疾遜避。至於累月。自踐東朝。淵默恭慎。無所言議。施爲而天下傳頌。稱說德號彰聞。及正南面。勤勞庶政。每延見三事。省決萬幾。必咨詢舊章。考求古義。聞者惕然。皆知其志在有爲。雖蚤遺天下。成功盛烈。未及宣究。而明識大畧。足以克配前人之休。故皇考之廟。爲宋英宗。陛

○孫日以上形容五聖○功德無一字○重疊



湯曰幾個  
可謂字語  
極斟酌

雖曰能行  
之效却不  
甚張皇微  
見不足之  
旨

下神聖文武。可謂有不世出之姿。仁孝恭儉。可謂有  
君人之大德。憫自晚周秦漢以來。世主率皆不能獨  
見衆人之表。其政治所出。大抵踵襲卑近。因於世俗  
而已。於是慨然以上追唐虞三代。荒絕之跡。脩列先  
王法度之政。爲其任在己。可謂有出於數千載之大  
志。變易因循。號令必信。使海內觀聽。莫不奮起。羣下  
遵職。以後爲羞。可謂有能行之效。今斟酌損益。革弊  
興壞。制作法度之事。日以大備。非因陋就寡。拘牽常  
見之世所能及也。繼一祖四宗之緒。推而大之。可謂

寫出神宗銳志

虛日總紐一句



再舉起前  
世爲後面  
立柱

此四段前  
一段是主

下是賓暗

照熙寧間

事而一字

不露聲色

又舉起前  
世

至矣。蓋前世或不能附其民者。刑與賦役之政暴也。宋興以來。所用者鞭朴之刑。然猶詳審反復。至於緩故縱之誅。重誤入之辟。蓋未嘗用一暴刑也。田或二十而稅一。然歲時省察。數議寬減之宜。下蠲除之令。蓋未嘗加一暴賦也。民或老死不知力政。然猶憂憐惻怛。常謹復除之科。急擅興之禁。蓋未嘗興一暴役也。所以附民者如此。前世或失其操柄者。天下之勢或在於外戚。或在於近習。或在於大臣。宋興以來。戚里宦臣。曰將曰相。未嘗得以擅事也。所以謹其操柄。



前而分開

四項此又

合來總一

比並結有

法度

是語

者如此而况輯師旅于内。天下不得私尺兵一卒之  
用。卑藩服于外。天下不得專尺土一民之力。其自處  
之勢如此。至于畏天事神。仁民愛物之際。未嘗有須  
吏懈也。其憂勞者又如此。蓋不能附其民而至於失  
其操柄。又怠且忽。此前世之所以危且亂也。民附於  
下。操柄謹於上。處勢甚便。而加之以憂勞。此今之所  
以治也。故○人○主○之○尊○意○諭○色○授○而○六○服○震○動○言○傳○  
號○渙○而○萬○里○奔○走○山○巖○窟○穴○之○氓○不○待○期○會○而○時○輸○  
歲○送○以○供○其○職○者○惟○恐○在○後○航○浮○索○引○之○國○非○有○發○



說得如此  
之盛正是  
極可畏處

到此一收  
拾  
四三年用  
無逸文

召而羸齋橐負以致其贄者惟恐不及西北之戎投  
弓縱馬相與袷服而戲豫東南之夷正冠束衽相與  
挾冊而吟誦至於六府順叙百嘉豐遂凡在天地之  
內含氣之屬皆裕如也蓋遠莫懿于三代近莫盛于  
漢唐然或四三年或一二世而天下之變不可勝道  
也豈有若今五世六聖百有二十餘年自通邑大都  
至於荒陬海聚無變容動色之慮萌于其心無援枹  
擊柝之戒接于耳目臣故曰生民以來未有如大宋  
之隆也竊觀于詩其在風雅陳太王王季文王致王

引此一〇段公自比于風雅



迹之所由。與武王之所以繼代。而成王之興。則美有

劉曰。入戒字。是本旨。

假樂。鳧鷖。戒有公。劉涸。酌其所言者。蓋農夫女工。築

室。治田。師旅。祭祀。飲尸受福。委曲之常務。至於兎置

之武夫。行脩於隱。牛羊之牧人。愛及微物。無不稱紀。

所以論功德者。由小以及大。其詳如此。後嗣所以昭

先人之功。當世之臣子。所以歸美其上。非徒薦告鬼

虞曰。又引書。自比于典。○詔

神。覺寤黎庶而已也。書稱勸之以九歌。俾勿壞。蓋歌

其善者。所以興其嚮慕。興起之意。防其怠廢。難久之

情。養之于聽。而成之于心。其于勸帝者之功。美昭法



來得委曲

曾公欲附

古者雅頌

之意以宣

明國家其

意全在此

又一轉入

衍等曲折

戒於將來聖人之所以列之于經垂爲世教也○今大  
宋祖宗興造功業猶太王王季文王陛下承之以德  
猶武王成王而羣臣之于考次論撰列之簡冊被之  
金石以通神明昭法戒者闕而不圖此學士大夫之  
過也○蓋周之德盛于文武而雅頌之作皆在成王之  
世○今以時考之則祖宗神靈固有待于陛下臣誠不  
自揆輒冒言其大體至於尋類取稱本隱以之顯使  
莫不究悉則今文學之臣充於列位惟陛下之所使  
至若周之積仁累善至成王周公爲最盛之時而洞



病根在此

發端原在此

○ 酌○言○皇○天○親○有○德○饗○有○道○所○以○為○成○王○之○戒○蓋○履○極○  
○ 有○規○ ○ 劉○曰○至○此○纔○明○白○說○出○  
盛○之○勢○而○動○之○以○戒○懼○者○明○之○至○智○之○盡○也○如○此○者○

非周獨然唐虞至治之極也其君臣相飭曰兢兢業

業一日二日萬幾則處至治之極而保之以祗慎唐

虞之所同也今陛下履祖宗之基廣太平之祚而世

世治安三代所不及則宋興以來全盛之時實在今

日陛下仰探皇天所以親有德饗有道之意而奉

規○度

寅畏俯念一日二日萬幾之不可以不察而處之以

主○

兢兢使休光美實日新歲益閔遠崇修循之無窮至

結○到



千萬世永有法則此陛下之素所蓄積臣愚區區愛  
君之心誠不自揆欲以庶幾詩人之義也惟陛下之  
所擇

王遵岩曰體意雖出於封禪美新諸家與韓柳進  
唐雅序等門戶中來然原本經訓別出機軸不爲  
諛悅淺制而忠蓋進戒之義昭然與先朝周雅比  
盛矣真作者之法也茅鹿門曰曾公此劄欲附  
古作者雅頌之旨陳上功德宣之金石而其結束  
歸于勸戒鍾伯敬曰不苦口勸戒第歷敘古今  
興廢之故恍令人有惕然不敢自安者則其勸戒  
有苦口不及者矣此文庶不愧自附於風雅云爾  
劉二至曰弘偉壯麗錯綜變化真皇矣瓜瓞之篇  
至其旨趣雋永以頌爲規忠愛之意藹然言外奏  
疏中之最奇者卽置秦漢文中亦爲絕調○按公  
徙滄州召見遂留京師嚮用自茲始然則神宗謂

劄子

十九



公以史學見稱士類者必此劄子有以感動之矣  
湯敦實曰宋至熙寧泰之九三無平不陂之候也  
神宗銳意變法暴刑暴賦暴斂亦已極矣公于此  
時正痛定思痛之日故歷述三代以來傳世未久  
稍盛則衰今繼一祖四宗之統不可不奉以寅畏  
而處以兢兢欲其鑒既往而慎將來全是一片苦  
心先有結處一段深思而後逐層說入其贊揚祖  
德處正是儆戒當時但出以溫厚和平令人不覺  
耳以為至末歸于勸戒似未悉作者之意至與進  
唐雅序等大為懸絕 盧文子曰典雅淳懿有西  
漢之風烈先生自况亦 約以繩墨 唐本改

帝真宗 帝字各 皆路祭 唐本正宗 率皆 唐本無  
本同 俱無皆字 此二字

力政 用王制文茅 治且安 從唐本 絃盛服也從唐  
本譌作役 加且字 本正宗改

四三年 原本唐本俱同雖無 寅畏 此二字上從  
逸文亦實指五代事 唐本加以字



請令長貳自舉屬官劄子

臣伏以陛下本原周禮參之以有唐六典之書考諸  
當世之宜裁以聖慮更定官制以幸天下臣誠不自  
揆欲少助萬一令無足取者亦足以致區區愛君之  
心竊觀于書其在堯典稱堯之德曰平章百姓百姓  
昭明則平其賢不肖功罪之分而章之以爵賞使百  
官莫不昭明者此人主之事也其在說命曰惟說式  
克欽承旁招俊乂列於庶位則承人主之志廣引人  
材進諸朝廷者此宰相之事也其在罔命穆王命伯



問爲周太僕正其戒之曰慎簡乃僚無以巧言令色  
便僻側媚其惟吉士則使得自簡屬僚以共成其任  
者此諸司長官之事也其上下之體相承如此所以  
周天下之務蓋先王之成法也故陸贄相唐陳致理  
之具以謂百司之長至於副貳之官與夫兩省供奉  
之職請委宰臣叙擬以聞其餘臺省屬僚請委長官  
選擇指陳才實終身保任具以舉授之由各載除書  
之內得賢則有進考增秩褒升之賞失實則有奪俸  
贖金黜免之罰非特搜揚下位而已亦以閹試大官



其所取之士。既責行能。亦計資望。此贊之大指也。贊於經畫之材。近世未見其比。其在相位所陳先務如此。質之于古。實應先王之法。施之後世。可以推行。誠古今之通議也。陛下隆至道。開大公。配天地。立人極。循名定位。以董正治官千載以來盛德之事也。創制之始。新命之官。任之以彌綸衆職。所繫尤重。其所更革。著於甲令。或差若毫髮。四方受其敝。或誤於須臾。累歲不能救。則於選用之體。尤不可假。非其人。且臺省長官。僕射尚書左右丞侍郎御史中丞。皆國之重



任。陛下所選擇而授。今尚書既領天下之事。郎員外郎凡二十四司。用吏幾百員。其餘屬佐尚不在數中。若使本司長貳之官。自郎以下員有未備。皆舉二人以聞。以陛下之明。其於羣臣材分。無不周知。取其所舉。擇用其一。其餘書之於籍。以爲內外之官選用之。備庶幾爲官得人。足以上副陛下作則垂憲非常之大志。且本朝著例。御史中丞知雜。至於省府之長。固得自舉其屬。而館閣監司牧守之官。亦嘗屢詔近位。皆得薦用。所知名臣偉人。往往由此而出。則推而廣



之○求○於○故○事○實○有○已○試○之○效○其○所○薦○之○士○采○用○其○一○  
其○餘○書○之○於○籍○以○備○選○擇○猶○舊○闕○御○史○一○員○聽○舉○二○  
人○其○一○不○中○選○者○亦○以○次○甄○進○則○稽○諸○累○朝○亦○故○事○  
也○伏○惟○陛○下○本○周○命○太○僕○慎○簡○乃○僚○之○意○采○陸○贄○臺○  
省○長○官○舉○吏○懇○懇○之○論○推○本○朝○已○試○之○法○使○先○王○之○  
迹○自○陛○下○追○而○踐○之○如○此○則○任○衆○之○道○隆○進○賢○之○路○  
廣○疎○遠○之○士○懷○材○者○皆○得○彙○征○要○近○之○臣○獎○善○者○皆○  
得○自○達○以○陛○下○之○臨○照○誰○敢○不○應○之○以○公○以○陛○下○之○  
考○覈○誰○敢○不○赴○之○以○實○既○得○其○人○授○之○以○位○然○後○陛○



下以公聽並觀。分別淑慝。以執中主要。信行其賞罰。如此則允釐百工。庶績咸熙。可無爲而致堯之平章。百姓百姓昭明。如是而已。如臣之說爲可采者。其推行之法。陸贄所陳。惟陛下察其疎密。詳加損益。

劉二至曰。當與正長各舉屬官。詔參看。



請令州縣特舉士劄子

臣聞三代之道。鄉里有學士之秀者。自鄉升諸司徒。自司徒升諸學。大樂正論其秀者。升諸司馬。司馬論其賢者。以告于王。論定然後官之。任官然後爵之位。定然後祿之。論定然後官之者。鄭康成云。謂使試守任官。然後爵之者。蓋試守而能任其官。然後命之以位也。其取士之詳如此。然此特於王畿之內。論其鄉之秀士耳。故在周禮。則稱鄉老獻賢能之書于王也。至於諸侯貢士。則有一適再適三適之賞。黜爵削地。



之罰。而其法之詳莫得而考。此三代之事也。漢興采  
董生之議。始令郡國舉孝廉一人。其後又以口爲率。  
口百二十萬。至不滿十萬。自一歲至三歲。自六人至  
一人。察舉各有差。至用丞相公孫弘。太常孔臧議。則  
又置太常博士弟子員。郡國縣道邑有好文學孝悌。  
謹順。出入不悖。所聞者。令相長丞。上屬所二千石。二  
千石謹察可者。令詣太常受業。如弟子。一歲皆課試。  
通一藝以上。補文學掌故。缺其高第。其可爲郎中者。  
太常籍奏。卽有秀才異等。輒以名聞。又請以治禮掌

劉曰。昭杜氏通典。攷。



故比二百石及百石吏。選擇爲左右內史。大行下郡  
太守卒史皆各二人。邊郡一人。不足擇掌故以補中  
二千石屬文學掌故。補郡屬備員。其郡國貢士太常  
試選之法詳矣。此漢之事也。今陛下隆至德昭大道  
參天地。本人倫。興學崇化。以風天下。唐虞用心。何以  
加此。然患今之學校非先王教養之法。今之科舉非  
先王選士之制。聖意卓然。自三代以後。當塗之君。未  
有能及此者也。臣以謂三代學校勸教之具。漢氏郡  
國太常察舉之目。揆今之宜理。可參用。今州郡京師。



有學同于三代而教養選舉非先王之法者豈不以其遺素勵之實行課無用之空文非陛下隆世教育人材之本意歟誠令州縣有好文學勵名節孝悌謹順出入不悖所聞者令佐升諸州學州謹察其可者上太學以州大小爲歲及人數之差太學一歲謹察其可者上禮部禮部謹察其可者籍奏自州學至禮部皆取課試通一藝以上御試與否取自聖裁今旣正三省諸寺之任其都事主事掌故之屬舊品不卑宜清其選更用士人以應古義遂取禮部所選之士



中第或高第者以次使試守滿再歲或三歲選擇以爲州屬及縣令丞卽有秀才異等皆以名聞不拘此制如此者謂之特舉其課試不用糊名謄錄之法使之通一藝以上者非獨採用漢制而已周禮大司徒以鄉三物教萬民而賓興之亦以禮樂射御書數也如臣之議爲可取者其教養選用之意願降明詔以諭之得人失士之效當信賞罰以勵之以陛下之所嚮孰敢不虔于奉承以陛下之至明孰敢不公於考擇行之以漸循之以久如是而俗化不美人材不盛



官守不脩。政事不舉者。未之聞也。其舊制科舉。以習者。既久。難一日廢之。請且如故事。惟貢舉疎數。一以特舉爲準。而入官試守選用之叙。皆出特舉之中。至夫教化已洽。風俗既成之後。則一切罷之。如聖意以謂可行。其立法彌綸之詳。願詔有司而定議焉。

茅鹿門曰。子固按古者三代及漢興。令郡國各舉賢良者。以聞。甚屬古意。世之君相。不可不聞此議。丘邦士曰。質實之文。得三代之意。爲漢代奏疏。自是樸茂可愛。○子固論事多援經據理。至地理形制。田役刑名。乃如畫碁局布算子耳。此文論舉士古得而今失處。只以實行空文四字校之。曉然已明。不必別以得失參錯論列也。鹿門以此短其才。識尚未當。



湯曰明考  
巖信賞罰  
以擇任西  
北將帥而  
添兵東南  
以備不虞  
皆救時良  
策大抵銷  
兵於無事  
之日一旦  
變起則遣  
禁旅調遠  
兵紛紛召  
募其弊不  
可勝言則  
此益兵之

請西北擇將東南益兵劄子

臣聞古者兵出於農故三時耕稼一時閱武其於四  
時蒐田則又率之從事然則農之用力於兵以少言  
之歲當兩月計其大槩則今之專力之兵一當古之  
兼農之兵六先王之制天子六軍大國三軍次國二  
軍小國一軍軍萬二千五百人其餘夫以爲羨卒周  
有天下諸侯之國千有八百以中數之通有兵二萬  
五千爲兵四千五百萬而羨卒未在其數以今之兵  
一當其六今有兵百萬爲八十倍少于古以迹言之



說文不獨  
宋時爲宜  
也

其專力兼農之勢固異以多少言之其用人之力費  
人之財今可謂省矣古者兵出於農故干戈車乘馬  
牛亦皆取具而國無預焉今兵出於國故干戈車乘  
馬牛亦皆取具而民無預焉此今之兵又於民爲便  
者也秦旣開阡陌而亦兵出於民其干戈屢動則至  
于發閭左之戍漢魏而下亦皆以民爲兵其轉徙殺  
戮之禍嘗甚矣至于後周隋唐修列府衛而兵復近  
古天寶以來曠騎立而募兵之法行自是之後綱紀  
失序天子之勢屈於方鎮之兵方鎮之勢屈於所部



之○兵○至○其○甚○也○將○之○廢○置○出○於○兵○至○于○五○代○而○國○之○  
廢○置○出○於○兵○兵○之○禍○天○下○未○有○甚○於○此○也○宋○興○撥○亂○  
世○反○之○正○太○祖○外○削○藩○服○而○歸○之○軌○道○內○操○師○旅○而○  
束○以○法○制○天○下○之○惡○子○非○鯨○之○以○刑○而○自○列○於○行○伍○  
非○毆○之○以○暴○而○自○就○於○繩○墨○以○鎮○城○邑○以○戍○疆○場○非○  
獨○爲○朝○廷○之○用○其○於○天○下○之○良○民○得○以○樂○職○而○安○業○  
者○實○賴○其○力○況○又○其○費○少○于○古○其○便○多○于○民○近○世○以○  
來○制○兵○之○善○未○有○及○此○者○也○陛○下○出○衆○慮○之○表○起○百○  
職○之○廢○其○於○常○武○尤○屬○聖○心○今○連○營○之○士○訓○練○精○銳○



武庫之兵。繕治工巧。殆古所未有。臣誠不自揆。計今之事。竊以謂西北之宜當擇將。率東南之備。當益戍兵。庶幾上副陛下威夷狄。守四方。不世出之大志。何以言之。昔太祖之世。其捍北狄。則用李漢超於關南。馬仁瑀于瀛州。韓令坤於常山。賀惟忠於易州。何繼筠于棣州。其禦太原。則用郭進於西山。李謙溥於隰州。李繼勲於昭義。其備西戎。則用姚內斌於慶州。董遵誨于環州。王彥昇於原州。馮繼業於靈州。大抵如內斌。遵誨之兵。率不過五六千人。皆責之以自守。其



地○今○士○之○精○銳○兵○之○工○巧○無○以○復○加○矣○在○乎○得○人○屬○  
之○統○督○之○寄○而○已○故○臣○以○謂○西○北○之○宜○當○擇○將○率○付○  
之○一○州○一○路○任○之○以○戰○守○之○責○陛○下○明○考○覈○信○賞○罰○  
以○馭○之○而○已○以○此○制○勝○則○何○求○而○不○得○也○臣○又○竊○以○  
古○<sup>者</sup>百○里○之○地○爲○千○乘○之○國○有○兵○三○萬○七○千○五○百○人○今○  
州○小○者○非○特○百○里○而○已○士○徒○之○衆○雖○不○必○盡○如○古○制○  
然○今○東○南○之○隅○地○方○萬○里○有○山○海○江○湖○險○絕○之○勢○溪○  
洞○林○麓○深○僻○之○虞○而○此○諸○路○之○兵○不○過○數○千○人○而○已○  
其○於○防○邏○常○患○不○足○萬○一○有○追○胥○討○捕○之○事○理○必○乏○



人向者邕州之不守蓋患於救援之不繼至於廖恩之鼠竊而能稽誅于時月者蓋由追討之兵不足恩已自歸而所遣北兵猶在道路則東南之寡弱蓋可知也以陛下之明綱理天下無所不備其于東南之兵計今之宜雖不必如古者千乘之法然稍增兵屯使緩急足用以銷奸萌除患于未然亦治體之所宜及臣故以謂東南之備當益戍兵區區憂國之心惟陛下之所裁擇

劉二至曰參校古今指畫情形如分黑白如數一二有用之文也論事者當以此爲極則矣



議經費劄子

臣聞古者以三十年之通制國用使有九年之蓄而制國用者必於歲杪蓋量入而爲出國之所不可儉

用王制文

者祭祀也然不過用數之仞則先王養財之意可知矣蓋用之有節則天下雖貧其富易致也漢唐之始天下之用嘗絀矣文帝太宗能用財有節故公私有餘所謂天下雖貧其富易致也用之無節則天下雖富其貧亦易致也漢唐之盛時天下之用常裕矣武帝明皇不能節以制度故公私耗竭所謂天下雖富



其貧亦易致也。宋興承五代之敝。六聖相繼。與民休息。故生齒既庶。而財用有餘。且以景德皇祐治平校之。景德戶七百三十萬。墾田一百七十萬頃。皇祐戶一千九十萬。墾田二百二十五萬頃。治平戶一千二百九十萬。墾田四百三十萬頃。天下歲入。皇祐治平皆一億萬以上。歲費亦一億萬以上。景德官一萬餘員。皇祐二萬餘員。治平并幕職州縣官三千三百餘員。總二萬四千員。景德郊費六百萬。皇祐一千二百萬。治平一千三百萬。以二者校之。官之衆一倍於景



德○郊○之○費○亦○一○倍○於○景○德○官○之○數○不○同○如○此○則○皇○祐○  
治○平○入○官○之○門○多○於○景○德○也○則○皇○祐○治○平○用○財○之○端○  
多○於○景○德○也○誠○詔○有○司○按○尋○載○籍○而○講○求○其○故○使○官○  
茅○日○覈○實○之○法○最○爲○易○知○

之○數○入○者○之○多○門○可○考○而○知○郊○之○費○用○財○之○多○端○可○  
考○而○知○然○後○各○議○其○可○罷○者○罷○之○可○損○者○損○之○使○天○  
下○之○入○如○皇○祐○治○平○之○盛○而○天○下○之○用○官○之○數○郊○之○  
費○皆○同○于○景○德○二○者○所○省○者○蓋○半○矣○則○又○以○類○而○推○  
之○天○下○之○費○有○約○於○舊○而○浮○于○今○者○有○約○于○今○而○浮○  
於○舊○者○其○浮○者○必○求○其○所○以○浮○之○自○而○杜○之○其○約○者○



必○本○其○所○以○約○之○由○而○從○之○如○是○而○力○行○以○歲○入○一  
億○萬○以○上○計○之○所○省○者○十○之○一○則○歲○有○餘○財○一○萬○萬  
馴○致○不○已○至○于○所○省○者○十○之○三○則○歲○有○餘○財○三○萬○萬  
以○三○十○年○之○通○計○之○當○有○餘○財○九○億○萬○可○以○爲○十○五  
年○之○蓄○自○古○國○家○之○富○未○有○及○此○也○古○者○言○九○年○之  
蓄○者○計○每○歲○之○入○存○十○之○三○耳○蓋○約○而○言○之○也○今○臣  
之○所○陳○亦○約○而○言○之○今○其○數○不○能○盡○同○然○要○其○大○致  
必○不○遠○也○前○世○於○彫○敝○之○時○猶○能○易○貧○而○爲○富○今○吾  
以○全○盛○之○勢○用○財○有○節○其○所○省○者○一○則○吾○之○一○也○其



所省者二則吾之二也。前世之所難，吾之所易，可不  
論而知也。伏惟陛下冲靜質約，天性自然，乘輿器服  
節用、必自尚方始、公故及之  
尚方所造未嘗用一奇巧。嬪嬙左右掖廷之間，位號  
多闕，躬履節儉，爲天下先。所以憂憫元元，更張庶事  
之意，誠至惻怛，格于上下。其於明法度以養天下之  
財，又非陛下之所難也。臣誠不自揆，敢獻其區區之  
愚，惟陛下裁擇。

茅鹿門曰名言

丘邦士曰：昔人以帳簿作文字，論史記貨殖傳然。  
史記猶借帳簿作文字點染耳，卽不入帳簿亦無  
所關係如此。乃真帳簿可用文字也，方是奇文。

荀子

三十一



湯敦實曰帳簿文字難于明透又難于詳盡此殆  
兼之視子瞻省費用策更勝



劉曰前劉  
子敷陳已  
盡因當時  
采納遂以  
在官言官  
推而論之  
以見其實  
可舉行耳

不再議經費劉子  
臣嘗言皇祐治平歲入皆一億萬以上而歲費亦略  
盡之景德官一萬餘員皇祐治平皆二萬餘員景德  
郊費六百萬皇祐治平皆一千萬以上是二者費皆  
倍於景德使皇祐治平入官之門多於景德者可考  
而知皇祐治平郊費之端多於景德者可考而知然  
後議其可罷者罷之可損者損之使歲入如皇祐治  
平而祿吏奉郊之費同於景德則二者所省蓋半矣  
則又以類推而省之以歲入一億萬計之所省者十



當時廣堂  
之上既已  
采納何竟  
符之空言  
耶

曾文定公集 卷之一  
之一則歲有餘財一萬萬所省者十之三則歲有餘  
財三萬萬以三十年之通計之當有餘財九億萬可  
以爲十五年之蓄自古國家之富未有及此也陛下  
謂臣所言以節用爲理財之要世之言理財者未有  
及此也令付之中書臣待罪三班按國初承舊以供  
奉官左右班殿直爲三班立都知行首領之又有殿  
前承旨班院別立行首領之端拱以後分東西供奉  
又置左右侍禁及承旨借職皆領於三班三班之稱  
亦不改初三班吏員止於三百或不及之至天禧之



閒廼總四千二百有餘。至於今廼總一萬一千六百九十宗室。又八百七十。蓋景德員數已十倍於初。而以今考之。殆三倍于景德。略以三年出入之籍校之。熙寧八年入籍者四百八十有七。九年五百四十有四年。十年六百九十。而死亡退免出籍者。歲或過二百人。或不及之。則是歲歲有增。未見其止也。臣又略考其入官之由。條於別記。以聞。議其可罷者。罷之。可損者。損之。惟陛下之所擇。臣之所知者。三班也。吏部東西審官。與天下他費。尚必有近於此者。惟陛下試加



考察以類求之。蓋有約於舊而浮於今者。有約於今而浮於舊者。其浮者必求其所以浮之自而杜之。其約者必本其所以約之由而從之。如是而力行使天下歲入億萬。而所省者什三。計三十年之通當有十五年之蓄。夫財用天下之本也。使國家富盛如此。則何求而不得。何爲而不成。以陛下之聖質而加之勵精。以變因循苟簡之敝。方大脩法度之政。以幸天下。貽萬世。故臣敢因官守以講求其損益之數。而終前日之說。以獻惟陛下財擇。



請減五路城堡劄子

臣嘗議今之兵以謂西北之宜在擇將帥東南之備在益戍兵臣之妄意蓋謂西北之兵已多東南之兵不足也待罪三班脩定陝西河東城堡之賞法因得考于載籍蓋秦鳳鄜延涇原環慶并代五路嘉祐之間城堡一百一十有二熙寧二百一十有二元豐二百七十有四熙寧較於嘉祐爲一倍元豐較於嘉祐爲再倍而熙河城堡又三十有一雖故有之城始籍在於三班者或有此數然以再倍言之新立之城固



多矣。夫將之於兵，猶奕之於棋。善奕者，置棋雖疎，取數必多；得其要而已。故敵雖萬變，塗雖百出，而形勢足以相援，攻守足以相赴。所保者必其地也，非特如此。所應者又合其變，故用力少而得算多也。不善奕者，置棋雖密，取數必寡，不得其要而已。故敵有他變，塗有他出，而形勢不得相援，攻守不能相赴。所保者非必其地也，非特如此。所應者又不能合其變，故用力多而得算少也。守邊之臣，知其要者，所保者必其地，故立城不多，則兵不分；兵不分，則用士少，所應者



又能合其變。故用力少而得算多。猶之善奕也。不得其要者。所保非必其地。故立城必多。立城多則兵分。兵分則用士衆所應者。又不能合其變。故用力多而得算少。猶之不善奕也。昔張仁愿度河。築三受降城。相去各四百餘里。首尾相應。繇是朔方以安。減鎮兵數萬。此則能得其要。立城雖疎。所保者必其地也。仁愿之建三城。皆不爲守備。曰。寇至當併力出戰。回顧望城。猶須斬之。何用守備。自是突厥遂不敢度山。可謂所應者合其變也。今五路新立之城。十數歲中至



於再倍。則兵安得不分。士安得不衆。殆疆場之吏。謀  
利害者。不得其要也。以奕棋況之。則城不必多。臣言  
不爲無據也。以他路況之。則北邊之備。胡以遵誓約  
之故。數十年間。不增一城一堡。而不患戍守之不足。  
則立城不必多。又已事之明驗也。臣以此竊意。城多  
則兵分。故謂西北之兵已多。而殆恐守邊之臣。未有  
稱其任者。守邊之臣。遇陛下之明。常受成算以從事。  
又不敢不奉法令。幸可備驅策。然出萬全之畫。常諉  
於上。人臣之於職。苟簡而已。固非理體之所當然。况



繇其所保者未得其要。所應者未合其變。顧使西北  
之兵獨多。而東南不足。在陛下之時。方欲事無不當  
其理。官無不稱其任。則因其舊而不變。必非聖意之  
所取也。夫公選天下之材。而屬之以三軍之任。以陛  
下之明。聖慮之緒。餘足以周此。臣歷觀世主。知人善  
任。使未有如宋興太祖之用將英偉特出者也。故能  
撥唐季五代數百年之亂。使天下大定。四夷軌道。可  
謂千歲以來不世出之盛美。非常材之君。拘牽常見  
者之所能及也。以陛下之聰明睿聖。有非常之大畧。



同符太祖。則能任天下之材。以定亂。莫如太祖。能繼  
太祖之志。以經武。莫如陛下。臣誠不自揆。得太祖任  
將之一二。竊嘗見於斯文。敢繕寫以獻。萬分之一。或  
有以上當天心。使西北守邊之臣。用衆少而得算多。  
不益兵而東南之備足。有助聖慮之纖芥。以終臣前  
日之議。惟陛下之所裁擇。

貼黃五路城堡據逐次降下三班院窠名數目如  
此竊恐係舊來城堡自來屬樞密院差遣後來逐  
度方降到窠名係三班院差人所以逐度數目加



多若雖是舊來城堡卽五路二百七十餘城亦是  
立城太多

劉二至曰送趙宏序極論益兵之非此又極論城  
多之患皆孫吳要論公豈僅文人已耶  
歸結任將是減城堡之本如此經濟文字鹿門謂  
其篇末注措欠發明者非也







請減軍士營教劄子

臣伏見諸軍教閱之法並只合早教一次舊例有晚教者卽更晚教向來教閱之法初行之時諸軍欲要訓練早得精熟是以早晚教外諸營更有營教今來訓練日久各以精熟甚有踏硬出格之人諸軍事藝見今分作三等欲乞相度其事藝在第三等者與免營教一日在第二等者與免營教二日在第一等與免營教三日所貴人情悅慕升進得事藝者多乞賜詳酌指揮







議邊防給賜士卒只支頭子劄子

臣伏見真宗議封泰山問三司使丁謂隨駕兵士或遇泥雨支賜鞋錢動須五七萬貫如何有備謂奏隨駕之士披帶已重若有支賜如何將行欲令殿前都指揮使曹燦先問軍士路中或有支賜置隨駕便錢一司各與頭子支便於兵士住營處或指定州軍各使骨肉請領一則便於兵士請領二則隨駕兵士骨肉在營得便到特支錢物甚安人心曹燦尋問皆曰隨駕請得何用兼難以將行若如此皆感聖恩遂定



東封之計。車駕往回。略無闕誤。臣竊以爲邊防給賜士卒。可推此行之。在公可省輦運。在私可無負致營護之勞。而士卒之家。又速得錢物濟用。伏乞詳酌。如有可採。出自聖意施行。與士卒營。與士卒營。與士卒營。

臣竊以爲邊防給賜士卒。可推此行之。在公可省輦運。在私可無負致營護之勞。而士卒之家。又速得錢物濟用。伏乞詳酌。如有可採。出自聖意施行。與士卒營。與士卒營。與士卒營。



存恤外國人請著爲令劄子

臣昨任明州日有高麗國界託羅國人崔舉等因風失船飄流至泉州界得捕魚船援救全度從此隨捕魚船同力採捕得食自給後於泉州自陳願來明州候有便船却歸本國泉州給與沿路口券差人押來臣尋爲置酒食犒設送在僧寺安泊逐日給與食物仍五日一次別設酒食具狀奏聞臣奏未到之間先據泉州奏到奉聖旨令於係官屋舍安泊常切照管則臣存恤舉等頗合朝廷之意自後更與各置衣裝



同天節日亦令冠帶得預宴設竊以海外蠻夷遭罹  
禍亂漂溺流轉遠失鄉土得自托于中國中國禮義  
所出宜厚加撫存令不失所泉州初但給與口券差  
人徒步押來恐朝廷矜恤之恩有所未稱檢皇祐一  
路編敕亦只有給與口食指揮今來聖旨令於係官  
屋舍安泊常切照管事理不同緣今來所降聖旨未  
有著令欲乞今後高麗等國人船因風勢不便或有  
飄失到沿海諸州縣並令置酒食犒設送係官屋舍  
安泊逐日給與食物仍數日一次別設酒食闕衣服



者官爲置造道路隨水陸給借鞍馬舟船具析奏聞其欲歸本國者取稟朝旨所貴遠人得知朝廷仁恩待遇之意。

愚按亦是柔遠大道理有關係政體處



其將謂本國者煩稟博吉祖升靈人晉賦陳致才恩  
音官為道張張祖劉水對餘計遊溫低誠具謝奏聞



申明保甲巡警盜賊劄子

未上

臣伏以周禮五家爲比使之相保推之至於五州爲鄉因其民以用之於田役追胥之事管仲於齊亦以五家爲軌推之至於五鄉爲軍以有三軍之制蓋生民之業資於衣食則爲農資於備禦則爲兵其所恃之理然也後世言兵者以謂九夫爲井此八陣之法所由出也五家爲軌此師旅之法所由出也以臣攷之所以然者非三軍之政取法于鄉田蓋古者生民之業兵農非異務也自經界旣廢而兵農始殊秦漢



曾文定公集 卷之一  
之際大率十里一亭亭有長十亭一鄉鄉有三老有秩嗇夫游徼三老掌教化嗇夫職聽獄訟收賦稅游徼循禁盜賊亦比閭族黨卒伍追胥之遺事也今保甲之制自五家爲保推之至於有大小保長有都副保正職承文書督盜賊與比閭有長鄉亭有嗇夫游徼非異意也臣昨守亳州亳爲多盜重法之地臣推行保甲之法以禁盜賊幸不至繆戾誠不自揆欲於保甲巡檢縣尉之法所以防慮盜賊者有所推廣以稱朝廷立法之意具下項



一諸處自來盜賊。並是外來浮浪行止不明之人。或是本處素來無賴之人。保甲之法。使五家爲保。蓋欲察舉非違之事。一保五家。若有一家藏匿外來浮浪行止不明之人。或一家有素無賴之人。卽四家無由不知。而法禁之中。不責其順情。蓋芑則人於鄉里。誰肯告言。若爲設禁防。使不告官者。因事發露。則有相坐之刑。人情自愛。誰肯苟容。此乃本立保伍。察非違之意也。所察舉者。藏匿惡人之家。所以爲人除患。固非開告訐之路。傷鄰里之義。



也。若藏匿之家，自不能揜。則惡人何所容入盜賊。不禁而自熄。理之所可必也。欲乞指揮外來浮浪行止不明之人，保內不得舍止。本處素來無賴之人，保內須以姓名申官。官爲籍記。係籍之人，凡有出入，並須告知本保。若保內舍止外來浮浪行止不明之人，犯人嚴斷同保不糾科。不言上之罪保內有本處素來無賴之人，同保不以姓名申官及係籍之人，出入不告本保，本保不糾亦並科。不言上之罪。犯人嚴斷所貴有所關防，可以暗消盜賊。



况自來州縣亦往往有禁絕舍止浮浪及籍記惡人之處可以斷得盜賊別無擾煩兼保甲條諸保內有外來人如行止顯有不明卽收領送官則是法意蓋已及此今來所乞只是申明更欲詳備伏乞裁酌施行

一伏見熙寧六年保甲條法保內如遇有賊盜晝時告報本保長已下同保人戶卽時前去救應追捕如入別保卽遞相擊鼓應接襲逐元豐二年詳定上條節文諸保內賊盜晝時集本保追捕如入



別保遞相告報襲逐舊有舖屋及鼓處依舊仍輪  
保丁守宿未有處愿置者聽臣竊以謂元條及詳  
定互有詳略若合而用之則彌綸之意無所不備  
今欲乞指揮諸保內賊盜晝時集本保追捕如入  
別保卽遞相擊鼓報應襲逐並置舖屋及鼓仍輪  
保丁巡宿如此則保伍之內旣不得容止惡人巡  
宿之法又備如有賊發則合力追捕措置無所不  
盡於本置保甲之意委曲備具亦古者井田守望  
相助後世置鄉亭徼循盜賊之遺法也



一伏見熙寧敕節文諸巡檢常於地分內巡警廨宇所在州給與印曆逐季點檢臣欲乞相度指揮重法地分巡檢縣尉常於地分內巡警每旬具所到地分申州仍給與行程印曆每季本州將旬申與印曆委官點磨違者取勘施行州不督察監司按劾以聞如此則制置捕盜之官事體均一理在必行不容苟簡之人得以廢法使捕盜之官分巡不止保甲候望轉相承接盜賊所向輒遇譏察竊發之謀必自衰熄或有伺閒不逞之人亦易敗獲



湯敦實曰當與陽明先生保甲法參看



論中書錄黃畫黃舍人不書檢劄子

臣初掌書命、中書吏以錄黃畫黃并檢赴臣簽書。其檢中書舍人稱臣書名、而侍郎押字。至錄黃畫黃、然後侍郎舍人皆稱臣書名。臣曾巡廳言檢草舍人稱臣書名、而侍郎押字、恐于理尚有未盡。且錄黃畫黃并檢一體相須而成、當書之官未有可以一書一否也。况錄黃侍郎舍人皆稱臣書名者、事君之體固然也。其檢舍人不書、欲以爲別異執政乎？則錄黃畫黃并檢一體相須而成、事君之體於例當一一書之間。



方其嚴上則未有可以復伸下也。伏尋故事中書舍人分押尚書六曹天下衆務無不關決。其各執所見。謂之五花判事。故唐太宗嘗謂侍臣曰。中書門下機要之司。詔敕有不便者。皆須執論。比來遂無一言駁論。若惟書詔敕行文書而已。人誰不堪。今舍人不押六曹。惟掌書命而事干書命者。又不書檢。竊尋故事。未有可據而然也。或謂事干書命者。有除改行遣。因依故舍人不當書檢。然向來書檢已連除改。因依況除改。因依參於典故。卽無舍人不得預聞之理。臣詳



本朝之制。官司佐屬。蓋有得書檢而不得書行移文  
字者。未有得書行移文字而不得書檢者。此又于理  
可疑。臣固非欲書檢也。顧緣職分不敢苟止。伏乞考  
詳理體。斷自聖裁。令臣得以遵守。



新嘉坡自聖集令引卷以數中  
其間雖有書錄此而無類公不取此  
其未嘗有書錄此文而不書錄此  
本傳文雖有書錄此而無類公不取此



請給中書舍人印及合與不合通簽中書外省

事劄子

臣檢會中書外省昨准門下省遞到詳定官制所狀  
內事件有申明下項

一檢會官制所元豐四年十月七日上殿劄子元  
擬門下省印給事中印奉聖旨門下省印尚書省  
印門下給事中印中書舍人之印尚書列曹別具  
攷定取旨餘兩省官并省務並用給舍印

臣今看詳通進司文字既隸給事中合使門下



曾文定公集 卷之一  
給事中印

一給事中廳狀勘會請到門下外省印未委合於何處收掌

臣今看詳上件印合係散騎常侍收掌如闕則以次官

一給事中廳狀四月二十九日准詳定官制所發到狀二件爲分撥人吏并院子事各係申門下外省今來未審係是何官書判施行

臣今看詳應申門下外文文字合係本省散騎常



侍以下通簽書

一狀後門下外省批已施行外五月六日送中書外省施行訖卽却繳送合屬去處

臣今看詳逐項事件並只是指揮門下外省及給事中廳其中書外省雖准批送施行卽未有定制中書外省及舍人廳事務明降指揮兼官制所狀內一項稱兩省官并省務並用給舍印又一項稱門下外省印合係散騎常侍收掌如闕卽以次官是則中書舍人及中書外省各合



有印今來已有中書外省印其中書舍人之印  
卽未給到未應得官制所狀內元定指揮及右  
省官除逐廳各有分職外其外省事務見今中  
書舍人與起居舍人通簽若將來常侍以下至  
正言員足消與未消逐一通簽如不通簽卽未  
審合係是何官書判施行如合通簽亦乞明降  
指揮

右取進止

貼黃今後因逐司申明立法有與別司事體相同



者乞令便據逐司事務立條貴免更有申請重煩  
聖聽兼免逐司事體相同施行不一如允臣所奏  
乞立此條令今後應于修條處並依此又舍人諫  
官舊各有印蓋緣本職文字慮有事干機密難就  
別官用印故事中書舍人判省雜務



限官用明坊事中書舍人陸省謙

官著各府中蓋本鄉文字數序事于縣密職

子立祖給今今對觀十對對觀並對地父舍人

聖離兼免恐匠事雖同賦并不一收食引引

昔子令與縣恐匠事蘇立給貴免更序申請重



請改官制前預選官習行逐司事務劄子

臣伏以陛下稽古正名修定官制今百工庶務類別以明其于講求經畫皆出聖慮彌綸之體固已詳盡然推行之始去故取新竊恐百執事之人素未諭於其心習於其耳目一日之閒或未盡知其任羣吏萬民聽治于上者或未盡知所趨待夫問而後辨推而後通則必有煩阻之患留滯之虞若圖之於早定之於素則一日之閒官號法制一新于上而彛倫庶政敘行于下內外遠近雖易視改聽而持循安習無異



於○常○此○臣○所○以○區○區○之○愚○庶○有○補○於○萬○一○也○今○百○司○  
庶○務○既○已○類○別○若○以○所○分○之○職○所○總○之○務○因○今○日○之○  
有○司○擇○可○屬○以○事○者○使○之○區○處○自○立○敘○分○名○憲○令○版○  
圖○文○移○案○牘○訟○訴○期○會○總○領○循○行○舉○明○鈎○考○有○革○有○  
因○有○損○有○益○有○舉○諸○此○而○施○諸○彼○有○捨○諸○彼○而○受○諸○  
此○有○當○警○於○官○有○當○布○于○衆○者○自○一○事○以○上○本○末○次○  
第○使○更○制○之○前○習○勒○已○定○則○命○出○之○日○但○在○奉○行○而○  
已○蓋○吏○部○于○尚○書○爲○六○官○之○首○試○卽○而○言○之○其○所○總○  
者○選○事○也○流○內○銓○三○班○東○西○審○官○之○任○皆○當○歸○之○誠○



因今日之有司。擇可屬以事者。使之區處。自令僕射  
尚書侍郎。卿外郎。以其位之升降。爲其任之煩簡。使  
省書審決。某當屬郎員外郎。某當屬尚書侍郎。某當  
屬令僕射。各以其所屬。預爲科別。如此則新命之官。  
不煩而知其任矣。曹局吏員。如三班諸房。十有六諸  
吏。六十有四。其所別之司。所隸之人。不必盡易。惟當  
合者合之。當析者析之。當損者損之。當益者益之。使  
諸曹所主。因其舊習。如此則新補之吏。不諭而知其  
守矣。憲令版圖。文移案牘。訟訴期會。總領循行。舉明



鉤考其因革損益之不同。與有舉諸此而施諸彼。有捨諸彼而受諸此。有當警於官。布於衆者。皆前事之期。莫不考定。如此則新出之政。不戒而知其敘矣。夫新命之官。不煩而知其任。新補之吏。不論而知其守。新出之政。不戒而知其敘。則推行之始。去故取新。所以待之者備矣。其於選事如此。旁至於司封司勳。考功當隸之者。內服外服。庶工萬事。當歸之者。皆推此以通彼。則吏部之任。不待政出之日。問而後辨。推而後通也。推吏部之事。以通于百工庶職。如此則體雖



至大而操之有要。事雖一變而處之有素。一日之間。官號法制鼎新于上。而彞倫庶政叙行于下。內外遠近。雖改視易聽。而持循安習。無異於常。區區之愚。庶有補於萬一者在此。而臣愚淺薄。不知治體。貪於傾盡。而不知其言之妄。採掇增損。實待聖斷。惟陛下之所裁擇。



百令僕射尙書侍郎下原本  
空一格員外上亦應有郎字

似幾對

盤而不映其言之是杜對曾狀實替聖機謝出下之  
洛辭欲萬一香並此而耳思宏載不映前對分分詩  
致錫如斯是輝而林餘安腎無異然常遇遇六盤無  
官對幾時鼎將于土而憂命無類除于不肉水重  
至大而壯之官要東離一變而與之休養一日之間



請改官制前預令諸司次比整齊架閣版籍等

事劄子

臣伏以陛下發德音正官號法制度數皆易以新書  
太平之原實在於此今論次已定宣布有期四方顙  
顙跂足而望臣竊恐施行之際新舊代易之初庶工  
之閒或吏屬因循或簿書緣絕其於督察漏略檢防  
散逸彌綸之體不可不早有飭戒欲乞明諭有司架  
閣有未備者備之版籍有未正者正之凡憲令圖牒  
簿書案牘皆當次比整齊斂藏識別以至於官寺什



器凡物之屬公上者亦皆當鈎考詳於簿錄庶於新  
舊更易之閒得無漏略散逸之敝非獨倣當今典領  
之懈且以絕異時追究之煩取進止

事略子

肅刻官師前所今肅臣以此整齊樂聞頌德



請以近更官制如周官六典爲書劄子

臣竊以周制六卿各率其屬皆有分職見于禮經至唐自三省而下分命庶官亦各以其職事見于六典今陛下講求化原更定官制蓋作憲垂法由古以來其於大體有不可易者雖唐虞三代未嘗易也至於緣人情因世故斟酌損益有不可不易者故雖唐虞之際極盛之時凡巡守四方則皆脩五禮而周人治象之法亦歲有更革况於時異事殊而可以膠於一方之說泥於一偏之迹哉故陛下更制改作其彌綸



大意則遠體周官而近因唐制此所謂于其大體有  
不可易者也至於從宜應變則解縱拘攣獨出聖謀  
不牽常算此所謂斟酌損益有不可不易者也夫能審  
其不可易者而因之斷其不可不易者而更之惟當  
而已然後可謂明制作之體惟陛下聖性之卓故能  
處之無疑此非羣臣之所能望也今更定官制其所  
先者在於使羣臣庶位皆明知其職分職分既明然  
後在事者得各因其名以效其實而考察者欲覈其  
實則必推其名此作法之大要所謂不可易者也今



庶尹百工分位既定。宜有新書。如周官六典。明白之文。使內外上下。曉然究悉。以熙庶績。而康萬事。臣適典明命。亦得各以百執事所分之職。載於訓詞。以飭戒在列。以稱陛下董正治官。循名責實之意。其書宜以時頒布。以幸天下。如體重事鉅。其不可不易者。文字論次。尚有未周。則百司所守。小大之務。亦宜先有條具。委曲章明。施于列位。使人人皆知其任。勸於赴功。而臣亦得討論演暢。見於王者之訓。以副聖君勵精求治。爲世作則之心。



湯敦實曰以可易不可易開闔立論跌宕可誦適  
典明命欲以所分之職載訓詞以戒在位公蓋自  
欲見其所長而才實足以稱之



史館申請劄子 三道

臣脩定國史止依司馬遷以下編年體式至於書事  
隨便今略具條目進呈其餘文義曲折難預爲定例  
者須候著撰之際徐更隨宜候書成日爲逐篇述傳  
繫於末卷以見論次之意蓋若預爲定例恐于文義  
須至拘牽就例或有所妨其書事隨便今略具條目  
如左

一羣臣拜罷見於百官表

一刑法食貨五行天文災祥之類各見於逐志

已上



更不於本紀  
載述之類

一名位雖崇而事迹無可紀者更不立傳或善惡  
有可見者則附見之

一善惡可勸戒是非後世當考者書之其細故常  
行更不備書右取進止

臣脩定五朝國史有合申請事具下項

一自宋興以來名臣良士或曾有名位或素在丘  
園其有嘉言善行歷官行事軍國勲勞或有貢獻  
封章或有著撰文字或本家有碑誌行狀紀述之



文或他人爲作傳記之類。今來所脩國史須合收  
採載。述恐慮舊書訪尋之初。有所未盡。至今歲月  
已遠。耳目所及者少。或至漏略。欲乞京畿委開封  
知府及畿縣知縣在外。委逐路監司州縣長吏博  
加求訪。有子孫者。延致詢問。諭以朝廷之意。欲使  
名臣良士。言行功實。傳之不朽。爲人子孫者。亦宜  
知父祖善狀。合要顯揚。使得見于國史。以稱爲人  
後嗣之義。各令以其所有事迹。或文字盡因郡府  
納於史局。以備論次。或文字稍多。其家無力繕寫。



卽官爲委官以官用備寫字人書寫校正其曾任  
兩府兩制臺諫之家須逐家一一詢訪無令漏略  
各限自指揮到日一月內取到文字發送史局其  
逐路監司州府逐縣長吏各具無漏略文狀連申  
一申中書向來編集累朝文字本局不見得從初  
名目及樞密院有編集機要文字并兩處有錄得  
累朝御札手詔副本文字欲乞令檢送本局以備  
討論取進止

臣脩定五朝國史據舊書及更加採摭以備紀錄外



竊慮五聖臨御之日、德音行事、外廷有所未聞、及自  
來更有紀述、發明文宇、藏在宮禁者、欲乞特賜頒示、  
以憑論次、所貴祖宗功德、傳布方冊、得以周盡、  
右取進止  
愚按公深于史學、觀此劄條、列亦見梗槩、宜神宗  
專以史事屬公也







英宗實錄院申請劄子

奉敕修撰英宗皇帝一朝實錄伏以先帝功德之美  
覆被天下宜載方策傳之無窮而未有日曆至於時  
政記起居注亦皆未備今此論次實憂疎略其於搜  
訪事迹以備撰述尤在廣傳使無闕遺今取到修撰  
仁宗皇帝實錄行迹案卷看詳彼處累次陳請乞搜  
探借應于合要照證文字前後條件本院亦合如  
此施行參詳類次作一併申請具下項

一文臣少卿監以上武臣正刺史以上或雖官品



未至而事業勲績可書及丘園之士曾經朝廷獎  
遇凡在先朝薨卒者例合于實錄內立傳欲乞朝  
廷特降指揮下鈐轄諸道進奏院遍行指揮仍劄  
付御史臺開封府及審官院三班院流內銓入內  
內侍省閣門出榜曉示應係英宗朝亡沒臣僚合  
立傳者並令供納行狀神道碑墓誌等仰本家親  
屬限日近修寫疾速附遞繳納赴實錄院  
一應先朝曾歷兩府兩制雜學士待制臺諫官及  
正任刺史閣門使已上臣僚或因賜對親聞聖語



或有司奏事。特出宸斷。可書簡冊者。並乞付中書。遍劄送已上臣僚。委令逐人速具實封供報。務要詳悉。仍乞指揮進奏院。遍行指揮。應曾在先朝任上件官位。已經亡沒臣僚之家。亦許親族編錄。經所在官司繳進。不得虛飾事節。候到日。並降付本院。以憑看詳編修。所貴書成之日。免致疎略。

一乞下中書樞密院。自嘉祐八年四月至治平四年正月已前。應有臣僚進獻文字。曾送史館。或留在中書。剗刷各件。及下史館盡底檢尋。降付本院。



并宰臣與文武百僚凡有奏請稱賀上表所降批  
答亦乞檢尋降下

一乞下兩省及司封兵部吏部甲庫學士舍人院  
據實錄院所關宣敕及詔書除目告詞如移牒暫  
借使畫時檢尋報應不得稽緩

一乞下禮賓院具自嘉祐八年四月至治平四年  
正月八日已前凡外蕃朝貢所記本國風俗人物  
道里土產詳實供報

一先朝臣僚有得罪譴謫者乞下御史臺審刑院



刑部太理寺據實錄院所要案牘畫時供借

一乞下司天監自嘉祐八年四月至治平四年逐年具曆日一本供報當院

一乞下三司令自嘉祐八年四月至治平四年正月八日已前應有虫蝗水旱災傷及德音赦書蠲放稅賦及蠲免欠負並具實數供報當院

一乞下三司自嘉祐八年四月至治平四年正月八日已前應有制置錢穀稅賦茶鹽及權酒等凡干臣僚章疏論議廢置事件具錄供報當院



曾文定公集 卷之一  
一工部水監河渠水利凡有論議改更禮部但係郡國所申祥瑞貢院但干改更貢舉條制太常寺禮院但干禮樂制作事三司戶部每遇戶口陞降已上官司自嘉祐八年四月至治平四年正月八日已前令子細檢尋供報本院不得漏略

一天聖元年管勾修真宗皇帝實錄所奉修撰官李維等公文其間有事迹不圓處合係中書樞密院三司檢尋應副又緣事件不少竊慮差去分手不得到裏面檢尋是致逐時不檢到照證事件乞



傳宣中書樞密院據李維等合要照證修撰事蹟  
各件令合行分手等盡底檢尋應副免致有妨修  
撰奉御寶批依奏治平元年修仁宗皇帝實錄院  
亦奏合依中書樞密院檢尋合要照證事件乞依  
天聖初體例施行并乞差中書應奉國史文字堂  
後官魏孝先樞密修時政記主事劉孝先候見當  
院書庫官等將到合要檢尋事件立便收接檢尋  
應副又曾乞差中書樞密院編文字官及乞於三  
司審刑院大理寺屬官內選差一員各令應副檢



○文字今來本院合要中書樞密院檢尋文字照證編修欲乞依天聖治平初體例施行

一乞下管勾往來國信所契勘嘉祐八年四月至治平四年正月末以來所差入國按伴館伴官等正官借官簿等冊并語錄權借赴當院照證修纂仍不妨彼所使用

一乞下玉牒所取英宗皇帝玉牒一本照會

一乞下中書編機房合要嘉祐八年四月至治平四年正月八日已前改除麻制文字照會



一本院但干修實錄於諸處檢借文字並須當職  
官員封記往還疾速應付

一乞下尚書司封疾速檢借嘉祐八年四月至治  
平四年正月八日已前中書除改百官官位姓名  
敕黃照證修纂



平四等五民八日已前中書創定百官守並授奉  
一三不尚書何桂爽來錄錄嘉祿八年四月至  
守月持論并錄起與熟計  
一本刻出千趙實錄敘精與錄世文字並取當卿



請訪問高驪世次劄子

臣竊考舊史高句驪自朱蒙得紇升骨城居焉號曰高句驪因以高爲氏歷漢至唐高宗時其王高藏失國內徙聖曆中藏子德武得爲安東都督其後稍自爲國元和之末嘗獻樂工自此不復見于中國五代同光天成之際高驪王高氏復來貢而失其名長興三年乃稱權知國事王建遣使奉貢因以建爲王子武武子昭昭子伉伉弟治治弟誦誦弟詢相繼立蓋自朱蒙至藏可考者一姓九百年傳二十一君而



失國其後復自爲國而名及世次興廢之本末與夫  
王建之所以始皆不可考王氏自建至佑四王皆傳  
子自治至詢三王皆傳弟詢自天聖八年來貢至熙  
寧三年今王徽來貢其不見于中國者蓋四十有三  
年今陛下仁聖文武聲教之盛東漸海外徼所遣使  
方集闕下蓋高句驪文字之國也其使者宜知其國  
之君長興壞本末名及世次欲乞詔諭典客之臣問  
自德武之東也其後何以能復其國何以復失之常  
傳幾君其名及世次可數否王建之所以興者何由



其興也自建始歟。抑建之先已有興者歟。自天聖至熙寧四十三年之間而徽復見于中國。其繼詢而立者歟。豈其中間復自有繼詢者歟。徽於詢爲何屬。如其言可論次。足以補舊史之闕。明陛下德及萬里。殊方絕域。前世有不能致者。慕義來庭。故能究知四夷之事。非聲教之所被者。遠不能及此。

貼黃欲乞論畢。仲衍因話從容訪問。或來使未能盡對。卽論以候歸本國。討尋記錄。因向後別使人附來。



高驪世次

附

高句驪其先出夫餘王得河伯女因閉於室感日而  
孕生朱蒙及長夫餘之臣謀殺之朱蒙走得免至紇  
升骨城居焉號高句驪因以高為氏朱蒙死子如栗  
立如栗死子莫來立漢武帝元封四年滅朝鮮置驪  
元菟郡以高句驪為縣屬之驪  
立史失其世次王莽時發高句驪兵伐胡不欲行遂  
皆出塞為寇歸咎於驪嚴尤誘而斬之莽乃大悅  
更名高句驪王光武建武八年高句驪遣使朝貢復  
為下句驪侯  
其王號史不著其名莫來裔孫宮立殤安之間  
寇遼東宮死子遂  
成立安帝建光元年也遂成死子伯固立北史云宮死  
子伯固立伯固



死子伊夷模立伊夷模死子位宮立位宮死元孫乙

弗利立頻寇遼東弗利死子釗立安立史失其世次而云

州牧晉孝武釗曾孫璉立晉太武時始遣使璉死孫

大元十年也後魏孝文太和五年也雲立南史云璉死子雲立雲死子安立後魏宣武

安死子延立延死子成立成死子湯立湯死子元立

隋開皇大業中皆伐之元死弟建武立建武之立隋末也唐高

建武死弟之子藏立建武為蓋蘇文所斃更立建武

國猶唐兵部尚書中書令之職貞觀十八年遣李勣

伐之十九年太宗親征高宗龍朔元年遣任雅相以

三十六軍水陸分途觀高麗之釁乾封三年李勣拔

扶餘城總章元年李勣拔平壤城執藏收其地蓋朱



蒙至藏有國藏子德武爲安東都督也武后聖曆二年  
九百年矣至元和末遣同光天成閒高驪國王高氏累遣使朝  
使獻樂工唐末中原多事其國遂自立君長同光後唐莊宗  
貢時天成明宗時天德元年至長興二年二百六十  
四年通上九百年計高驪國王王建立年權知國事  
一千一百六十四年王建遣使朝貢建死子武立武死子昭立建隆三年  
明宗拜爲王建死子武立武死子昭立四年開寶  
五年昭死子仙立開寶元年太平興國二年仙死弟治  
來貢太平興國七年九月遣使來貢制以治爲王九年  
立端拱元年來貢淳化二年遣使求印經詔賜之四  
年又來貢五年來治死弟誦立誦初立遣兵校徐遠  
乞師優詔答之治死弟誦立誦初立遣兵校徐遠  
不至咸平三年其臣吏部侍郎趙之遴命牙將朱仁  
紹至登州訪之州將以聞召見仁紹回因賜誦鈿函



詔六年來貢乞  
師優詔答之

誦死第詢立

大中祥符七年天禧元  
年五年天聖八年來貢



在來來貢立

歸來來歸立

太中賴谷士李天



代曾侍中辭轉官劄子

臣蒙恩轉官已曾面陳及具劄子辭免懇誠雖切志願未諧夙夜省循不遑寧處是用再干旒宸伏望必賜允從臣以謏才當陛下卽政之初勵精思治與在廟堂首當大任所宜佐陛下循守法度重惜名器使恩無誤施官不虛授四方觀聽知朝廷慶賞得宜則衆情必皆勸慕欲正其本當始於臣今若首玷寵榮不知固避使朝野竊議上虧政理則是欲清其流而先濁其源致弊之由乃自臣始豈陛下所以屬任微



臣之意愚情所以圖報萬一之心。況祖宗以來進官之法。或以歲月。或以功勤。今于斯二者。實無其一。于執政之內。不爲以事當遷。欲貪厚恩。何義而可伏望特回聖慈。俯憐惻迫。速賜德音。遂其所乞。至於國公戶邑。則臣更不敢辭。謹具劄子奏陳。無任赤心懇激之至。竊以舊本當聖不唱效。文詠灝赫。思故與主。則未詣風。交省辭不。豈寧數。畏用再于。就累外望。必曰。蒙恩轉官。与曾面刺。又具劄子。續免懸。婦。雖。財。士。升。曾。封。中。嶺。轉。官。降。子。



代曾侍中乞退劄子

臣近三上表及再進劄子以陰陽不調雨雪愆候乞  
賜免黜蒙面諭不允仍降批荅令斷來章臣仰惟寵  
遇之厚恩旨之嚴固欲強顏趣於順命然信宿以來  
旱氣轉甚臣夙夜震惕職思其憂所以不避冒煩至  
于五六敢祈仁聖必賜矜從此臣區區之愚義不得  
止者也蓋宰相職調陰陽災異卽當罷免行之已久  
故事甚明今亢暘爲沴經涉冬春隴畝之間焦枯日  
甚閭巷之內疾癘將興天戒丁寧咎自臣始陛下側



身思變發於懇誠。忘已憂人。見於顏色。以至詢訪周  
於列位。請禱徧於羣神。聖心焦勞。中外嗟仰。豈臣之  
分。尚得晏然。雖陛下大恩。欲終覆護。而四方觀聽。責  
當謂何。且臣少壯之時。尚虞不職。今齒髮已暮。理當  
乞身。欲貪寵私。何義而可。伏望察臣素守體臣至誠。  
蚤回聖慈。許從罷黜。矧今舊德之老。新進之賢。求于  
朝廷。所在森列。取以代臣。必致休徵。使臣得避賢者  
路。退守丘園。豈惟上厭天心。下塞人望。亦所以全陛  
下。始終之恩。成老臣去就之義。况應天人。惟在誠實。



臣既知當退。豈敢矯誣所望。睿明審加詳擇。臣無任  
血誠迫切之至。

愚按詞旨悃欵出于至誠。得告君之體。



思對歸音歸煥出千至歸音昔求之蠶  
血鰓魚財之至

引強映當豈煩猷臨風望窺興審吹翰對丑無介

















